



17691

I

Mag. St. Dr.

Michael.

Bogusicki fos. Step. Cant. Laudatio funebri  
Jacobi et Michaelis Marciszowski.

PANEG. et VITAE

Polon.

Nº. 529.



D

U  
E  
N  
ru  
g  
n  
C  
ba  
m  
S  
J  
v

M



**LAUDATIO FUNEBRIS.**  
**PERILLUSTRIS olim CLARISSIMI &**  
**REVERENDISSIMI DOMINI**  
**D.M. JACOBI MICHAELIS**  
**MARCISZOWSKI,**

Utriusque Juris DOCTORIS, & PROFESSORIS,  
Ejusdemq; Facultatis PROCANCELLARII & DECA-  
NI, Collegii Juridici SENIORIS PATRIS, Ecclesia-  
rum; Cathedralis Cracoviensis CANONICI, Colle-  
giatæ S.S. O.O. PRIMICERII, Parochialis in Ko-  
niuszka & Pobiedz CURATI, Librorum per Diæcesim  
Cracoviensem CENSORIS, Ordinandorum & Appro-  
bandorum EXAMINATORIS, Judiciorum Illustrissi-  
mi Consistorii Generalis Cracoviensis JUDICIS  
SURROGATI, Contuberniorum; Regio-Jagelloniani,  
Jurisperitorum, necnon Coloniae Academicæ Tarno-  
viensis PROVISORIS, VIRI de Republica Litteraria  
& Ecclesia DEI optime meriti.

*Dum in Ecclesia Collegiata S.S. O.O. Cracoviæ*  
*Pientissimis Ejus Manibus.*

**Solennes Exequiæ ritu Catholicæ Ecclesiæ**  
**persolverentur.**

*Nomine maestissimorum Academicorum Ordinum*  
*lugubrî calamô*

**M. JOSEPHI, NEPOMUCENI, CANTII BOGUCICKI** Philosophiæ  
Doctores, Ejusdemq; Professoris,  
Venturæ posteritatis memoriæ

**COMMENDATA.**

*Anno post Christum Natum 1773. Die 13. Mensis Martii.*

**Cracoviæ Typis Seminarii Academico-Diœcesani.**






Magni Viri mortalitas magis finita, quàm vita est, vivit enim vivetque semper. *Plato.*

Vetustas hunc morem judicavit honestum esse, ut mortui laudarentur. *Thucidides.*

<sup>1769 I</sup>  
Non miserabiliter Vir clarus emoritur. *Cicero.*

Erras; non reliquit ille nos, sed antecessit. *Seneca.*



BIBLIOTHECA  
JAGELLONICAE



*Ad*

PERILLUSTRES REVERENDISSIMUM,  
CLARISSIMOS & ADMODUM RE-  
VERENDOS DOMINOS.

D. M. ANTONIUM  
ZOLEDZIOWSKI

Juris Utriusque & Sacrae Theologiae DO-  
CTOREM, & PROFESSOREM, Collegam  
Majorem, Collegii Majoris SENIOREM PA-  
TREM, Facultatum, Theologicae, Philosophi-  
cae & Medicae PROCANCELLARIUM, Ec-  
clesiarum; Cathedralis Cracoviensis CANO-  
NICUM, Vislicensis SCHOLASTICUM, Pa-  
rochialis S. JACOBI Casimiriae ad Cracoviam  
PRÆPOSITUM, Seminarii Academico-  
Dioecesani PRÆFECTUM.

D. FRANCISCUM  
ZIEBINSKI

Utriusque Juris DOCTOREM Collegiatæ S.S.O.O.  
DECANUM, Andreoviensem PRÆPOSITUM, Con-  
sistorii Generalis Cracoviensis ACTUARIUM.

D. M. FRANCISCUM ANTONIUM  
CWIERZEWICZ

Utriusque Juris DOCTORIANUM PROFESSO-  
REM, Collegam Juridicum, Ecclesiarum; Collegiatæ  
SS. O.O. CANONICUM, in Mogilany CURATUM.



## Mæstissimos ultimæ voluntatis Præstitos, Consolatoria.

*Itane ætissima necessitudine Conjunctus Vobis Vir  
nunquam satis æstimandus MARCISZOVIVS obiit?  
itane morte inopina Vobis Nobisq; ereptus? Heu! ho-  
mines quid sumus? quam totum hoc vivere lubricum,  
breve, nihil. Equidem uest, cur doleatis. Amisistis ami-  
cum re, non nomine, & amicum candidum, litteratum, sa-  
pientem, & qua erat probitate & prudentia, eximium Do-  
ctorem, in quo virtutes simul omnes admirando fædere  
viguerunt, quæ singulæ sunt in singulis. Quæ quo ma-  
jores in Eo fuerunt, eò gravius Vos torquet & urit tanti  
Viri pæctura. Cavete tamen, plus nimio Vos maceretis &  
habenas laxetis dolori. Ut enim flere humanum est, non  
commoveri belluinum, ita tristitiam suam moderari &  
luctum, Christianum planè & homine religioso dignum.  
Erigimini animò & mortis hujus acerbicatem ista cogita-  
tione temperetis: debuisse mori MARCISZOVIVUM, vo-  
luisse mori, mortuum, sed in Domino, sed morte jutorum,  
expiatis diligentissimè conscientia noxis; sed morte pla-  
cida, addo & opportuna, si tempora & dea, quæ nos undique  
circumstant mala, respiciatis. Verò: ad meliora ivit, pu-  
riora, latiora, pravis, turbidis, tristibus his relictis. Nos  
quod unum præstare possumus, & memoriam Istius & Em-  
riti multum Patris perpetuo recolamus, & fuses ex ani-  
mo precibus Eum juvare concemur, sperantes fore, ut ipsi  
viciis Illius precibus adjuvemur.*

ORA-





# ORATIO.



Ublica & solenni quadam oratione illis nostra in Academia parentari, qui de Literaria Republica vel Ecclesia, vel Patria aliisq; præclarè sunt meriti, nemo opinor vitio vertet, aut quoquo tandem modo reprehensum ibit: nisi forte è grege illorum hominum extiterit; qui id duntaxat, quod ipsi fecerint, rectè fieri putant, à reliquis verò sui apprime similibus, sibiq; per omnia comparandis, nihil quod cum laude & immortalitate nominis conjunctum sit, expectari posse, non minùs temerè, quàm arroganter existimant; aut illorum numerò censeatur, qui commodis solùm privatis res metiuntur, ideoque præsentis amant ac colunt, mortuorum cum corpore memoriam sepeliunt. Sed bonis

A

omni-



omnibus non ea inest sententia, quin potius Sacrum  
Sanctumq; habent, ut quos, cum in humanis agerent;  
amore & benevolentia prosequuti sunt, isthoc carnis  
ergastulo solutos memoria recolant perenni. Nihil  
enim ipsis secundum Deum antiquius esse luculen-  
ter perspectum est; quam, ut erga eos, (quos donis exi-  
miis ornatos, meritis prastantes noverunt, testatam  
grati animi significationem relinquant. Hanc cum Ci-  
cerone virtutem non solum maximam, ast etiam cæ-  
terarum omnium Matrem judicant: nihil cum eodem  
Sapientissimo Tullio tam inhumanum, tam immane,  
tam esse ferum censent, quam committere, ut bene-  
ficiò aut indigni aut victi videantur. Jam, quem hi-  
storià vel leviter tinctum fugere potest, quantus de-  
mortuis olim habitus honos fuerit; quod me etiam  
tacente iusta publicè soluta probant, depositiones ho-  
noriç palam faciunt, monumenta præsighi magni-  
ficentia constructa confirmant, erecti docent lapides,  
statuæ posite, ludi sumptuosissimè peracti, spectacula  
apparatissimè data id ipsum contrapervicacissimos quos-  
vis obtrectatores evincunt, orationes denique ostē-  
dunt, quæ ad dilaudanda lucis hujus usurâ privatorum  
gesta institutæ litterarumq; traditæ monumentis fu-  
erunt. Laudationes namque, atque celebrationes eorū,  
qui fato concesserunt, & vitam propè æternam effi-  
ciunt, & ad rectè agendum beneq; de omnibus me-  
rendum alios tacitò illoq; vehementi illicitò exci-  
tant, eò quòd, præmiorum ratio si habenda, amplissi-  
mum ut sapiens ait: præmium gloria est, quæ una vi-  
tæ brevitatem posteritatis memorià consolatur, ac effi-  
cit, ut absentes adesse, mortui vivere, extincti con-  
spici possimus. His ergo aliisq; rationibûs, quas con-  
sultò



sultò latere nunc patior, adducti Amplissimi Ordines  
Academici, hujusmodi parentationem Perillustri olim  
Clarissimo & Reverendissimo Domino, M. JACOBO  
MICHAELI MARCISZOWSKI Juris Utriusq; Docto-  
ri & Profelori, Ecclesiæ Cathedralis Cracoviensis Ca-  
nico &c. (proh Deus Immortalis cui Viro quan-  
taq; virtute præstanti!) vultu ad mæstitiam compo-  
sito, erumpentibûs ubertim præ incredibili dolore la-  
crymîs persolvunt. Quo certè nihil unquam justius.  
Isthoc namque officium jure sibi vendicat rerum  
à tali tantoq; Patre gestarum splendor, quæ tot  
tantaq; sunt, ut non inopinatò importunèq; sublatus,  
sed naturam ipsam explevisse vivendi satietate vi-  
deatur. Igitur hæc nos una consolatio sustentet, hæc  
mærore perculsos prostratosq; erigat animos, hæc la-  
crymas, & si contra illarum torrentem niti haud possumus,  
abstergat, hæc complorationem luctumq; omnium  
Litterariæ Reip: Civium temperet, quòd ita uni-  
versum vitæ suæ spatium Vir ornatissimus recorda-  
tioneq; seculorum perquam dignissimus peregerit, ut  
*& DEO satis & Litteris satis vixerit.* Unum profectò hac  
in re desiderabitur: quòd non is illi laudator con-  
tingerit, qui ingenio dicendiq; facultate instructus, ora-  
tionem ejus virtutibus parem afferre, hocq; efficere  
possit, ut digna laboribus atque promeritis illius præ-  
conia tribuantur. Ac ego quidem, verum, quo par-  
est animi candore, ut fatear, nunquam istam longè diffi-  
cillimam provinciam subire ausus essem, nisi & mea  
me multis abhinc annis suscepta adversus Eum ob-  
servantia & pietas, ut id facerem, omnino permovisset,  
& eorum, quorum imperium detrectare non pote-  
ram, auctoritas coëgisset, & nisi mihi ipsa levamento



ac solatio esset difficultas. Nam cum satis intelligam, quod mihi eventurum est, ut oratio mea longè multumq; infra Magni illius Viri dignitatem jaceat, idem cuilibet, quamlibet copioso & exercitato homini eventurum fuisse, facile patior delectum potissimum esse, me cujus prædicatione & calamò admirabilium ipsius in omni genere virtutum cognitio ad omnes perveniret, Cui tantum debeo, quantum homo homini debere potest. Ac quoniam & religiosum Christianum, & probum Sacerdotem, & Virum Sapientem laudibus celebrandum & ab oblivione tuendum suscepi: eundem in hoc munere obeundo modum tenebo, quem tenerem, si ipse mortali adhuc corpore indurus, exiguum istud folium de se conscriptum, ut legeret, & eo genere orationis utar, quo ipsum præcipuè oblectari, solitum novimus, non pigmentis, ac fucis oblito, sed severo ac solido, & ea sola in Ipso commendem, quæ Ipse in rebus humanis sola commendanda ducebat. Qui Ethnicorum more vixerunt, Ethnicorum more, per me licet, laudentur, ego tam pio, tam moderato, tam demisso *MARCISZOVIO* nullam laudem convenire arbitror, nisi verè ac propriè Christianam, necnon Academico instituto consentaneam.

Et quia religio ac pietas est fundamentum omnium virtutum, hinc exordiat, oportet oratio mea, ut *MARCISZOVIO*, quod omnes religionis ac pietatis partes ex æquo impleverit, satis Deo vixisse omnes intelligant. Quod quidem dum præstare cupio, nolim hoc loci intelligi, illam adulterinæ pietatis larvam, quæ melle & sesamò pascitur, quæ scilicet in tenebrosos sensus ac sterilia tantummodo desideria evanescit, virtutem degustat, non amat, intuetur eminus, comi-

nus



nus exhorrescit, quia Deo etiam ipsi verba dare audeat, animum & obsequium recusare. Languida hujus modi devoti supremo Numini cordis officia pium & religiosum *MARCISZOVIVM* minime decent. Tota mentis acie, totoq; animi impetu ferebatur in DEUM, atque hæc erat summa votorum: ut fidem, reverentiam, amorem Illi suum in omnibus testaretur, Ejusq; Gloriæ summo conatu promovendæ se ipsum impenderet. DEI O. Maximi causâ nullas Ille potentum inimicitias, nullas minas, nulla pericula, nullas fortunæ, vitæ ac capitis dimicationes sibi defugiendas putavit. Imò illas Eum ultro ac cupidè appetiisse non una in occasione manifestò constat, adeò: ut idem, quod David jure dicere potuerit: *Tabescere me fecit zelus meus, quia obliti sunt verba tua inimici mei.* Itaque Parentibus & clarissimo genere, & meritis in Remp: Polonam commendatis ortus, ita ab iis à teneris unguiculis ad pietatem efformatus fuit, ut non prius voces reddere potuerit, quin sublati in Cælum oculis, & manibus supplicis in modum junctis, preces, quas primas omnium pronunciare didicit, fuderit. Postea ad Cracoviensem Urbem, quæ semper bonarum artium & sapientiæ domicilium habita est, missus, ita honestissimis studiis navavit operam, ut ne latum quidem unguem à Christianæ Religionis præceptis discederet, duasq; solum noverit vias, alteram, quæ ex domo ducebat ad Ecclesiam, quæ ad Academiam, alteram. In ætate tam lubrica, tam ad voluptates prona, tanto cupiditatum ætui obnoxia, tam sibi præidente, nunquam se passus est abripi deliniriq; illis vitæ mollioris illecebris, quæ & rationi crassas tenebras offundunt, & ex animo salubrem Dei timorem, ad assequendam veram

ger:



germanamque sapientiam comprimis pernecessarium;  
delent atque prorsus expungunt. Quod quæso magis  
commune Juvenibus vitium, ac aureas pretiosi tem-  
poris horas per ignavum otium multorum malorum  
indefinitem scaturiginem perdere, in rebus ludicris,  
meris ineptiis, vanis confabulationibus traducere? At  
hæc pestilens morum contagio venenô suô, intimas avi  
nostri Adolescenti pervadens fibras, optimaque corrup-  
pens ingenia, tantum abfuit, ut integrum & purum  
*MARCISZOVII* inficeret animû, qui ab adolescentia  
sua teneros suavi Domini jugo subjiçiens humeros, illud-  
met inconcussè stabilis ac perseverans ad vitæ exitum  
haud ægre gestavit. Adolescens adhuc eâ sibi legem in-  
violatè servandam indixit, ut ne illis se comitem ad-  
jungeret pravis malefactorum quorundam societa-  
tibus, à quibus sua integritas, castimonia, innocen-  
tia aliquid metuendum haberet. Hæc verò omnia  
in Illo efficiebat, summa ea, qua Deum coluit Re-  
ligio, persuasus firmiter, fore, ut gravissimô obstringa-  
tur flagitiô, si subtrahens Deo primævum ætatis flo-  
rem, alteri cuiquam sua addiceret studia. O mentem  
sanctam! ô cogitationem nunquam satîs pro dignitate  
laudandam! Atque quidè postquam *MARCISZOVIVS*  
tam fidelem, tã promptum, tamq: docilem se DEO suo  
exhibuerit, illa ætate, quæ variis obtentibûs iniquis se-  
verissima Omnipotentis Conditoris mandata formidan-  
daq; judicia declinare contendit; quid putatis Au-  
ditores, qualem quamq; Divini Nominis studiosum  
se præstiterit tum, cûm maturiores nactus annos, ube-  
riorem de Deo rebusq; Divinis cognitionem hause-  
rit, arripuerit, comprehenderit? Hic planè patuit, quem-  
admodû *MARCISZOVII* vita tota quanta quanta majori  
Dei Cultui amplificando; consecrata erat. Sacris etc-  
nim



um;  
agi  
em  
rum  
ris;  
At  
avi  
um  
uni  
tia  
ud  
um  
in  
ad  
eta  
en  
nia  
Re  
ga  
flo  
em  
ate  
US  
fuo  
se  
an  
Au  
um  
be  
se  
em  
ori  
ete  
n

ni in Ordinibus admotus ac augustissimi Sacerdotii cha  
racterem insignitus, quæ non genuinæ adversus Deum  
pietatis evidentissima protulit argumenta? An aliquem  
latere potest, quanta DEI amore egerit? qua uti vigi  
lantissimus Pastor cura & solitudine decori Domus  
Dei providerit? quàm propter Deum usque ad magni  
ficentiam liberalis fuerit? quàm munifica manu tre  
mendas Incruenti Sacrificii Aras ornaverit? qua dex  
teritate officii Divini splendori consuluerit? qua dili  
gentia bono rerum Ecclesiasticarum ordini prospe  
xerit? ipsi parietes, si loqui possent, dicerent, gratiasq;  
referrent. Et tandem quia Divina vocatione se ve  
lut ad mercaturam animarum missum probè intelli  
geret, suæq; curæ incumbere cerneret, homines natu  
râ perditos servare, corruptos de integro sanare, aber  
rantes reducere, lapsos erigere, fædâq; turpitudine  
purgare & lucrari Christo, nihilq; aptius ejusmodi  
fini consequendo Verbi Divini doctrinâ observaret;  
omnes Christianæ Eloquentiæ nervos eò contulit, ut  
velut alter Paulus Spiritu Sancto accensus fulgu  
rando ac tonando; vitia eliminaret, vitæ emendatio  
nem, pœnitentiam, studium pietatis animis popu  
lorum inspiraret. Quàm acres fuere *MARCISZOVII* in  
vectivæ in morû licentiam, quàm graves à peccatis de  
hortationes, quàm crebræ comminationes in Divinarum  
legum transgressores, in pertinaces, in dissolutæ vitæ  
homines. Conciones Ejus, quas per universam longè  
latèq; diffusam Poloniam ad varia invitatus suggesta  
frequentissimè habuit, testantur. Cur enim Ipsius in Vi  
nea Domini labores copiosus non sequutus fuerit fru  
ctus, utpote qui salutis & Fidei mysteria inculcans, vir  
tutis pulchritudinē, sceleris enormitatem vivis adum  
brans



brañs coloribûs, futuræ vitæ præmia & supplicia  
robustè juxtà ac disertè exponens, mox probitatem  
ipsam non verbis sed factis commendabat. Nunquam  
Ille conquevit in nuda virtutis aut peccati cujus-  
piam consideratione, qua ingenium acui, voluntatem  
verò ad prosequendâ virtutē minimè inflammari perbel-  
lè sciebat. Exemplò igitur implevit, quod ore docu-  
it, memor illius Hieronymi ad Nepotianum moni-  
ti: Non confundant opera tua sermonem tuum, ne,  
cum in Ecclesia loqueris, tacitus quilibet respondeat,  
cur ergo hæc, quæ dicis, ipse non facis? Delicatus Ma-  
gister est, qui pleno ventre de jejuniis disputat. Ac-  
cusare avaritiam & latro potest. Sacerdotis Christi  
os, mens, manusq; concordent. O præclarum ac pro-  
pè Divinum oratorem! quem siqui audierint, non  
modò doctiores, ast, quod longè majus est, meliores  
protinus evaserunt: ô Legatum & Ministrum DEI  
viventis! Cujus ut honorem, cultum, Majestatem &  
potentiam defenderet, omnes labores, vigilias, incom-  
moda, calamitatem & molestiam sibi suscipiendam du-  
xit. DEI religione perfusus, quotidie ferè ad placan-  
dam Vindicis Numinis iram delictis hominum exa-  
cerbatam sacris operabatur, si id non poterat, omni-  
no tamen sacrosanctæ Agni Immaculati Hostiæ inter-  
erat eo devotionis sensu, ut intuentes ædificaren-  
tur, ad similesq; profundendos affectus impelleren-  
tur. Tanta negotiorum mole distentus, eam nihilomi-  
nus temporis partitionem sibi immobili tenore præ-  
fixit, cujus partem prece piisq; aliis exercitationi-  
bûs, partem Sacrorum Librorum, quibûs spiritus ali-  
rur, & ignis amoris Dei accenditur, lectione transi-  
geret, quam vitæ institutionem tam religiosam tamq;

DEO

DE  
qua  
aut  
ctio  
situ  
ver  
cus  
sum  
sis,  
No  
ptu  
qua  
Que  
tot  
mus  
min  
vie  
ner  
nou  
sua  
salu  
dav  
tis  
ma  
pte  
per  
sing  
Cra  
stir  
SO  
mi  
fia



**DEO** placentem severius à se ipso exigebat. Nunquam ex Ejus ore verbum unum prodiit, quod non aut ad Dei laudem, aut ad eorum, qui aderant correctionem pertineret. Sic quamquam adhuc in terra positus, versabatur in Cælo, & cum hic nobiscum viveret, jam tamen Civis erat Sanctorum & Domesticus Dei. Ob hanc tam illustrem erga Deum pietatem summis quibusvis Viris zelò gloriæ Divinæ succensis, virtutis & sapientiæ justissimis æstimatoribus ita Noster **MARCISZOVIVS** carus, jucundus atque acceptus extitit, ita in amore & deliciis fuit, vix ut quisquam unus uni carior foret, quàm unus hic universis. Quem pii animi fervorem cum in Eo advertisset Vir totus communi Ecclesiæ & Patriæ bono natus Celsissimus olim Princeps Illustrissimus & Reverendissimus Dominus **ANDREAS ZAŁUSKI** Præsul & Antistes Cracoviensis; Cujus Nobis Academicis adhuc dulces sunt cineres, quibûs amoris & benevolentiae officiis Illum non est persecutus? quàm non semel sollicitudinis suæ Pastoralis partes circa gregem Domini ad viam salutis inoffenso pede dirigendum, Eidem demandaverit? Sed quid vetera repeto, cum moderna factis superque sufficiunt exempla non vulgaris estimationis, qua cumulatus fuit **MARCISZOVIVS** propter sua in DEI Ecclesiam promerita. Cujus enim adeò peregrinantur aures, ut penitus ignoret, quibûs & quàm singularibûs beneficiis ornavit **MARCISZOVIVM** Cracoviensium Pontifex Celsissimus Princeps Illustrissimus & Reverendissimus Dominus **CAIETANUS SOŁTYK**, Quem dignitate, sapientiâ, virtute, animi magnitudine verè summum, ad Catholicæ Ecclesiæ felicitatem procurandam, ad res Regni satis ad



ruinam inclinatas sublevandas & in pristinum statum restituendas, florentem ac fospitem verè arcano Divinæ Providentiæ consiliò vivere, sibi boni omnes gratulantur, improbi nonnisi trepidant, cum Eo salvo & incolumi nuspiam se jam tutò posse consistere persentiscunt. Quique quanti faceret **MARCISZOVIVUM**, non verbis modò, ast re ipsa declaravit, quem uti Virum ad maxima quæque Diæcesis negotia feliciter expedienda natum, sæpe ad privata colloquia congressusque secum esse jubebat, & consiliorum suorum participem ac socium admittere non dubitabat. Proinde gravissimò judiciò decretòque Sapientissimi æquè ac Vigilantissimi Pontificis **SOŁTYKII** fortissimi Religionis Assertoris, Ordinandorū & Approbandorum Synodalis Examiner, Librorum per Diæcesim Cracoviensem Censor, Judiciorum Illustrissimi Consistorii Generalis Cracoviensis Assessor & Judex Surrogatus constitutus, quanta cum laude muneratam ardua tamquè ingenti difficultate involuta sustinuerit, quid opus est pluribùs verbis exponere, præsertim, cum hæc facta sint palam, & omnium oculis obversentur? Quantum Ei prudentiæ & acuminis ad videnda ea, quæ vera & recta essent, quantum animi & libertatis ad eadem proferenda, quantum auctoritatis ad obtinenda semper fuit. Nihil unquam Ille in dicenda sententia aut metui, aut gratiæ dedit, nunquam ad cujusquam voluntatem orationem suam accommodavit, nunquam quidquam veritate prius, aut sanctius habuit. Ac ideo communis ferè per omnes spargebatur rumor, nihil à **MARCISZOVIO** Spirituali Judice precibùs peti oportere: preces enim apud Eum neque ad justa impetranda necessaria-

cessa  
ces.  
min  
rem  
dus  
quid  
dini  
Quæ  
tudo  
conf  
regra  
Orth  
depr  
ribus  
cord  
comp  
rentu  
inval  
leret  
horu  
nimit  
quam  
ctori  
dem  
rent  
rendi  
Episc  
ralis  
mas  
JOS  
vienti  
Cui  
in m



cessarias esse, neque ad injusta extorquenda efficaces. Quod si quidam ex veteribus Romanis eo nomine felix habitus est, quod ab eo nemo ullam rem improbam petere auderet: quibus non efferendus laudibus *MARCISZOVIVS*, quem omnes, qui quid petituri erant, in quo vel minimum turpitudinis inesset, tanquam scopulum quendam refugiebant. Quæ verò Ejus fuerit dexteritas in agendo, quæ fortitudo in sustinendo, quæ diligentia in pervidendo, quæ constantia in urgendo, ut res Divina purâ semper, integrà & incorruptâ mente coleretur, ut perniciosis Orthodoxæquæ Fidei è regione oppositis dogmatibus depravatisquæ seculi hujus vitiorum feracissimi moribus omnis aditus obstrueretur, ut justitia, pax, concordia & tranquillitas in Diaceli isthac regnaret, comprimerentur libidines, arcerentur rapinæ, cohiberentur violentæ potentiorum in fortunas tenuiorum invasiones. verbô, ut *DEUS* amaretur, timeretur & coleretur, haud necessarium puto isto loco dicere, cum horum omnium à *MARCISZOVIO* splendidè, magnanimiter, fortiter gestorum vivi adsint testes, testes inquam, quibus & propter vitam illibatam, & propter auctoritatem summam, & propter virtutem spectatam, fidem negare non possis. Quos ego honoris & reverentiæ causâ nomino, Illustrissimi nimirum & Reverendissimi Domini. *FRANCISCUS POTKANSKI* Episcopus Patarensis, Suffraganeus & Officialis Generalis Cracoviensis, à Quo etiam piè Defunctus Supremas suas protegi tabulas enixa voluntate postulavit. *JOSEPHUS NIEWIESCINSKI* Cathedralis Cracoviensis Decanus, Cathedralis Cujaviensis Canonicus, Cui *MARCISZOVIVS* & in vita summè dilectus & in morte deploratus fuit, cæteriquæ Cathedrales Cra-



covienses Prælati & Canonici, Qui utpote acres ac  
 perspicaces ingeniorum Arbitri zelum & prudentiam  
**MARCISZOVII** gratissimi sui Confratris Cano-  
 nici suspexere, amavere, coluere. Adest denique to-  
 tum Illustrissimum & Reverendissimum Cathedrale Cra-  
 coviense Capitulum. Quod Illo veluti dextrò brachiò  
 seu ad lites & causas fortunato eventu terminandas,  
 seu ad rerum Divinarum cultum magis ac magis augen-  
 dum, seu ad Cleri disciplinam reformandam usum est.  
 Quorum Summorum hominum propensissimæ in **MAR-**  
**CISZOVIVM** voluntatis vel hoc illustri argumentò  
 esse potest, quòd, cùm de improvviso gravissimoquè  
 Ejus morbo, quem Ille patienter ac plena in manus  
 DEI Patris sui resignatione paratus è vita ut miles  
 è statione discedere, dum Supremus Imperator vo-  
 luerit, tulit; tristem accepissent nuncium, ad Illum  
 confluere, accedere, Ipsum lectò jacentem invisere,  
 perturbationem, quam Ejus periculò conceperant, si-  
 gnificare, de Illius valetudine sollicitari, ne, cùm sa-  
 tis DEO vixerit, sibi immaturus decederet. Sed  
 omnibus in rebus Divinæ voluntati acquiescendum  
 est. **MARCISZOVIVS** non tam annis utpote ter-  
 tium supra quinquagesimum natus, quàm meritis ple-  
 nus, non tam vî grassantis morbi, quàm laboribûs, cu-  
 ris & vigilis prostratus & labefactatus, ultimis mo-  
 rientium præfidiis, Sacramentis scilicet omnibûs mu-  
 nitus & armatus, cùm toto ægritudinis tempore, nihil  
 aliud, quàm Christum DEUM & Servatorem suum in  
 ore perpetuò habuisset, ad Eum, Cujus Unius gratiâ  
 vixit, Quem sperabat 'Unum, Quo fidebat Uno,' ut  
 quidem auguratur animus, evolavit, gravem nobis  
 Academicis relicturus jacturam & dolorem nullatenus  
 leniendum, nisi & Litteris satis vixisset.



Tria sunt, quæ Nostri *MARCISZOVIVM* fati-  
Litteris vixisse denunciant, atque ita denunciant, ut  
nullum prorsus dubitandi locum relinquunt. Primum,  
quod in iis egregiè versatus fuerit, alterum, quod eas  
in hac Scientiarum Universitate tanquam veteri illo-  
bonarum artium & liberalissimarum disciplinarum empo-  
rio & sede, uti Doctor Academicus publicè magnoque  
concurſu discentium tradiderit, postremum denique,  
quod Litteras litteratosque beneficiam suam foverit,  
ornaverit, protexerit. Quæ singula non tam pro rei  
amplitudine & argumenti copia, quæ longè imbecil-  
litatem virium mearum excedit, temporisque ad scri-  
bendum dati angustiam superat, quam pro quali quali  
earumdem Litterarum lenimine atque solatio in tanta tam-  
que acerba, illarum desertione & solitudine persequar.  
Quo etiam fiet, ut & multa memoratu dignissima præ-  
termittam, & ea ipsa, quæ attingam, jejuniùs multò  
atque exiliùs, quam pro ipsorum dignitate percur-  
ram. Præprimis ingenium ad omnes honestas disci-  
plinas docile Supernæ Providentiæ munere nactus  
tam celeri pollebat in percipiendo indole, ut, quæ  
discebat, non tam accipere à Magistris, quam Ipse  
ex se parere & eorum reminisci quodammodo ac re-  
cordari ex veteri illa Platonis sententia, videretur.  
Novit Ipse vel puerulus adhuc, quot labores, quot  
vigilias, quot denique gravissimas animi curas sibi  
doctrinarum studia deposcant. Sciebat cum Tullio  
omittendas esse voluptates, relinquenda studia dele-  
stationis, ludum, jocum, convivium ac Sermonem  
penè familiare omnium deferendum. Non ergo  
*MARCISZOVIVS* otio ac deliciis molliri, non ina-  
nibus puerorum oblectamentis distrahi, non equorum  
canum-



canumvé exercitationibus nostrorum Adolescentum in-  
star ab instituto studiorum cursu avocari, non ferven-  
tioris ætatlæ cupiditatibûs, quæ Juventutem, cûm à  
Litterarum studiis, tum ab omni honestate abducere so-  
lent, in transversum se agi permisit, sed recto illo ta-  
met si difficili ac talebroso ad virtutem itinere sibi pro-  
posito, se totum ab ineunte ætate Litteris tradere, nullis  
nisi Litteratis hominibûs uti, cum iis sua communicare  
sensa, eorumquæ judicium exquirere impensè amabat,  
Elementorum igitur latinitatis, Pœseos, Eloquentiæ,  
Philosophiæ Mathematicæ, Theologiæ Scholasticæ, Po-  
sitivæ, Polemicæ, Moralis, emensò diligenter curricu-  
lò gradum illum & honorem Litterarium, qui in Phi-  
losophia summus est, obtinuit. Atque hinc colligere  
licet, quæ, qualis, quantaquæ institutio succrescentis  
magnam in Patriæ spem Iuventutis à Magistro *MAR-*  
*CISZOVIO* bene & Ipso Litteris imbuto exspectari de-  
bebat. *MARCISZOVIVS* ille erat Magister, qui ani-  
mò comprehensum habebat, quidquid in Herodoto  
præ cæteris memorabile, in Thucydide concitatum,  
amanum in Xenophonte, in Plutarcho prudens, sub-  
lime in Platone, in Theophrasto ad mores conducens,  
facetum in Luciano, in Epiëteto sapiens, vehemens  
in Demosthene, in Æschine patheticum, in Isocrate  
elegans, in Homero alliciens, in Pindaro Lyricum, in  
Æschylo penetrans, in Sophocle nobile, in Euripide  
movendis aptum animis, in Theocrito nativi candori-  
s, in Bione & Moscho jucundi leporis est. Ille  
erat Magister, qui intimè pernovit linguam illam ve-  
terum Romanorum tam abundantem, tam cultam, tam  
vividam, tam plenam Majestatis, qui familiarem sibi  
reddidit, & penitus cognitum Ciceronem illum Ora-  
torum



torum Parentem ac Principem, Plinium eloquentem  
illum laudatorem, scriptorem argutum; Sallustium  
in acribus animi sensis tam fertilem, in characteri-  
bus percellentibus tam felicem; Cæsarem tam stri-  
ctâ dexterâ & gladium vibrantem & stylum; Titum  
Livium, cujus amplissimum ingenium Romana-  
rum rerum æquavit amplitudinem; Paterculum tam  
magnum sensu, quàm brevem verbis; Curtium exor-  
nantem, quidquid narrat, & persuadentem, quidquid  
aggressus est; Plautum illum, qui Musæ Comicæ sa-  
les omnes eripuit; Terentium, qui ab eadem omnem  
prudentiam & verisimilitudinem mutuatus est; Vir-  
gilium herdêm in Ecloga, in Georgicis Inventorem,  
Epopæiæ Perfectorem, Horatium tam elevatum in Ly-  
ricis, tam delicatum in Satyris, tam in Epistolis  
prudentem; Ovidium facundum, amænum, splendidum,  
Lucanum planè fluentem, Senecam meditantem, Pli-  
nium vestigantem, Quintilianum docentem, Civilem  
Tacitum pingendi simul & divinandi officiò funge-  
tem. Tantis doctrinarum copiis instructus, tam ab omni  
arte excultus *MARCISZOVIVS* Eorum voluntate,  
quorum nutu & imperiò; Academica diriguntur studia,  
formandæ Juventuti destinatur. Et profectò nec Resp:  
sua utilitate, nec Gens Togata sua commendatione  
caruit. Erat enim in *MARCISZOVIO* excellens ju-  
diciū, vis memoriæ planè admirabilis, doctrina ma-  
gna, studium acre atque indefessum, singularis in do-  
cendo claritas, perspicuitas, suavitas, gratia, assidui-  
tas & invictus animi vigor, ut de nulla re alia, quàm  
ornanda sparta sibi concessa, curam atque cogitati-  
onem fusciperet: non valetudinis, qua incommoda in-  
firmaque utebatur; rationem haberet, cibi potû què  
sæpe



Sape Eum oblivio seaperet, studiorum gratiâ in mediam  
 protraheret, frugalissimè semper viveret. Et quemad-  
 modum agri fecundi cum videntur, etiamsi agricola-  
 rum non ampliùs labores conspiciantur, tamen ex  
 ipsis fructibus, bene suo esse cultores munere fun-  
 ctos colligitur, ita, quicumque oculos suos conver-  
 terit ad illos *JORDANOVIOS, ŁĘTOWSCIOS, PRZY-  
 REMBSCIOS, MAŁACHOVIOS, SZANIAWSCIOS,  
 LIPSCIOS, WODZICCIOS, SIERAKOVIOS, RUPNIE-  
 WSCIOS, ŻŁOTNICCIOS, MICHAŁOWSCIOS, PO-  
 TOCCIOS, OTFINOWSCIOS, DĘBINSCIOS, LUBIE-  
 NIECCIOS, MYSZKOWSCIOS, STRASZEWSCI-  
 OS, PISARZEWSCIOS, ZAWADZSCIOS, MIE-  
 ROSZOWSCIOS, GOŁUCHOWSCIOS, WAXMA-  
 NOVIOS, CHWAŁIBOGIOS, REMEROVIOS, HU-  
 BIENSCIOS, CHOMĘTOWSCIOS, KOMECCIOS,  
 BŁESZYNIOS, RUDKOWSCIOS, ZAKRZEWSCIO-  
 OS, KOBIELSCIOS, NIDECCIOS, BOGUCCIOS,  
 STOCCIOS, BIELSCIOS SOBOLOWSCIOS, XIĘSCIOS,*  
 aliosque plusquam sexcentos, Quos ab Iſto Magi-  
 stro educatos, postea ad Ecclesiæ & Patriæ governa-  
 cula adhiberi contigit, & de cultu prudenti, laborio-  
 so, fido minimè dubitabit, & ut multis aliis nomi-  
 nibus, ita hoc quoque æternâ eundem memoriâ,  
 laude, celebratione dignum iudicabit. Non hîc pro-  
 fero, quàm naviter & industriè, quàm eruditè & sa-  
 pienter altioris subsellii Artes atque scientias docu-  
 erit. Omitto dicere, quâ soliditate & facilitate Utrum-  
 que Jus, omnesque controversas Juris quæstiones ex-  
 planaverit, quàm incredibili frequentia, ad Eum  
 inusitata quadam dicendi facultate prædictum, de ob-  
 scuris dilucidè, de confusis ac perturbatis ordina-  
 tim ac dispositè, de dubiis enucleatè disserentem co-  
 tum-



diam tumque in eo positum, ut **Auditores**, quos eru-  
 mad- diendos suscepit, non ad ventosam & super-  
 cola- ficiariam, sed ad veram, plenam fucci & san-  
 n ex guinis doctrinam informaret, ex omnibus fere  
 fun- Poloniae partibus ad peritiam legum consequen-  
 ver- dam quotidie confluebant. Missa inquam hæc fa-  
 RZZ- cere debeo. Equidem si in singulis hæreret oratio,  
 CLOS, nunquam exitum inveniret. Quare ad ultimum  
 PNIE descendat, oportet, ut nimirum in luce ponatur,  
 , PO- quid augendis ornandisque Litteris, quid promoven-  
 BIE- dis Litteratis consulere, quo beneficiorum gene-  
 VSCI- re, qua benevolentia, qua sincera caritate Litteras Litte-  
 MIE- ratosque profecutus sit. Utinam mihi esset tanta vis  
 MA- ingenii, ac tanta scribendi facultas, ut rarum, ma-  
 HU- ximum, & incredibilem tuum Vir sempiterna com-  
 CLOS, memoracione digne erga Litteras & Litteratos amo-  
 VSCI- rem vivis eloquentiæ coloribus, si non exprimere,  
 CLOS, at saltem adumbrare potuissem! Utinam magnitudi-  
 CLOS, nem beneficiorum tuorum, quibus non modò de tu-  
 Magi- is temporibus, sed de omni quoque posterorum me-  
 berna- moria bene mereri voluisti, data mihi fuisset satis  
 borio- explicandi copia! Verùm, quod neque unius hominis  
 nomi- parùm eloquentiæ valentis conatus, neque exiguum  
 noriæ, temporis spatium ad exarandas laudes tuas consti-  
 c pro- tutum, semel satis præstare possunt, id Tibi Littera-  
 & fa- ti ad gratam & immortalem nominis Tui deprædi-  
 docu- cationem perpetuò præstabunt, semperque fama,  
 Utrum- honos & præclara beneficentia Tua altissimis illis  
 nes ex- erunt defixa radicibus. Transmittent de ætate in ætate  
 d Eum te illa feræ posteritati, & donec Litteris suis habebi-  
 de ob- tur honor, eoque celeberrimum nomen Tuum omni-  
 ordina-  
 em to-  
 tum-



um bonorum vocibus personabit; neque ulla unquam ætas de Te Tuisque laudibus conticescet. Fuiere quidem, non repugno, & suat hodiedum plurimi Viri Clarissimi, qui ab ineunte state sese Litteris dare, easque ad extremum usque spiritum in deliciis habere consueverunt, illud tamen contendo; ex iis plurimos fuisse, & esse nunc, qui multum quidem erga Litteras, nullum verò erga Litteratos homines studium, nullamque propensionem declaraverint & declarent. Sive enim non ea sint à natura liberalitate donati, ut bonas Litteras, & qui easdem profitentur, pluris æstiment quam pecuniam, sive illi philautiâ tantopere laborent, ut ceteros omnes præ se nihili faciant, sive alienæ doctrinæ gloriâ nomen suum obrui, sibi que de fama ac dignitate ex aliorum ingenio detrahi putent: illud certum est, limis oculis homines Litteratos aspicere, atque illos nullis præmiis, nullis honoribus nulloque beneficio exornare. Imo, quod vix in mentem cuiuspiam venire posset, animò à Litteratis ipsis prorsus alienò atque infestò eos existere. Ast verò in dubium vocari nequit, quin Sapiens & magnanimus *MARCUS SVIVIVS* à teterrima probrosissimaque invidiæ labe semper remotissimus, tantùm Litteratos amaverit. quantum & Litteras, amore videlicet singulari, summo ac propè incredibili. Etenim cum sex ipsis vicibus ad Reipublicæ Litterariæ clavum omnium Academiarum Ordinum voto ac exultatione sedisset, primas sibi curas sumpsit, ut de ingenuis disciplinis, doctisque Viris optimè mereretur, vixque Sceptra manu prendit, illico de eximius optimarum artium studiis in summum splendorem atque amplitudinem restituit.

stituendis cogitare cœpit. Mihi videntur Litteræ cùm viderent *MARCISZOVIVM* ad Principem in Academia sedem evestum eruditisque mentibus imperantem, hīs gestientes præ gaudio vocibûs usæ: ô nos beatas, quibus datus es; Divinitus Pater, & talis Pater, qualem neque meliorem, neque nostrum amantio rem optare nunquam potuisset. O diem illum fortunatum & melioribus planè lapillis nobis consignandum, quo nos nostraque omnia Tibi Moderatori benignissimo subjecta vidimus, quo in tutelam tuam tradita sumus. Tu nos à crassis inscitiae renebris eripies, Tu ab oblivione vindicabis, Tuò consiliò, sapientiâ, liberalitate facta, recta sumus futura. Sed & Litterati certum apud Eum patrociniū ac tutum asyllum invenerunt. Singulos diligebat ut Filios, non verbò & sermone, sed opere & veritate, quumque nitidam constantemque frontis jucunditatem præferret, recta videlicet conscientiae iudiciū, qua nihil timent, qui nihil admiserunt, eorum ad se rapiebat animos aurea oris & vocis suavitate, sibi que artius liberalissima voluntate obstringebat, per quam illis ita præstò erat, ut nemo ab Eo tristis unquam discesserit. Atque licet creberrima misericordiae suae in miseram calamitosorum turbam quotidie ad se venientem argumenta *MARCISZOVIVS* ediderit, qui familias complures, desolatas viduas, pauperum Religiosorum cætus, rei domesticæ inopiâ laborantes secretò, vanam iactationem ceu pestem fugiens, alebat, atque adedò properè et studiosè ad levandam afflictorum hominum penuriam accurrebat, ut calamitosis ad opem salutemque sufficeret, *MARCISZOVIVM* eo-



rum arumnas non ignorare, nihilominus tamen hoc  
alacre benefaciendi studium maximè erga homines do-  
ctos ab ingenii quidem opibus satè ditatos, à fortunæ  
autem copiis destitutos patefecit. Quippe nihil magis  
ratus Litterarū Cultoribus ad sua perficienda & acuenda  
ingenia obesse, ac illud, quod sæpe de vita toleranda,  
de pane conquirendo, de re facienda anxius discer-  
pantur cogitationibûs. Verùm ô diem Litteris Littera-  
tisquè omnibûs funestissimum! o acerbissimam & vix  
planè ferendam calamitatem o nos miserrimos qui  
Propugnatorem acerrimum, qui liberalissimum Me-  
canatem, qui Parentem optimum amisimus! O spes  
hominum fragiles! o fortunam volucrem! o præpos-  
tera consilia! o incertos vitæ humanæ eventus! o in-  
anes nostras cogitationes, quæ in medio spatio sæpe  
franguntur, corruunt & antè in ipso cursu obruuntur,  
quàm portum aspicere potuerunt. Quàm cito illa  
omnia ex lætitia & voluptate ad luctum & lacrymas  
defluerunt! Ecce *MARCISZOVIVS*, quem omnes  
boni immortalem vellent, in diræ atque inexorabi-  
lis mortis spoliū cecidit, & rebûs humanis est  
exemptus. Hem *MARCISZOVIVS*! quantam quam-  
què justam multis mærendi occasionem morte tua  
obtulisti, etsi tuâ quidem causâ nihil est, quod lu-  
geamus. Tu præclare ac laudabiliter vitæ cur-  
sum confecisti. Tu ita maximis honoribûs perfun-  
ctus es, ut Te semper homines majoribûs di-  
gnum judicarent. Tu ausam laceßere Te invidi-  
am virtutè superasti. Tu ultimam vitæ imminen-  
tem horam placido vultu excepisti. Tu denique  
moribundus multas animi verè Christiani signifi-  
cationes


cationes dedisti. Omnium erga Te Ordinum charitatem, satis hæc ipsa varii generis hominum, quæ ad cohonestandum funus tuum convenit multitudo, declarat. At dolendum Academia, quæ tam Magnum Doctorem, dolendum Ecclesiæ, quæ tam pi-um modestumquæ Canonicum, dolendum Christiano Ovili, quod tam vigilantissimum Pastorem amiserit. Sed hæc gravissima jactura Tuo maxime Cordi acerbissimum infligit vulnus Excellent: ac Doctissime Domine **M. FRANCISCE MARCISZOWSKI** Philosophiæ Doctor pie Defuncti **MARCISZOVII** Patruelis Frater, qui non modò amantissimum Patrum, ast & studiorum tuorum beneficentissimum Patronum, Ducem & Hortatorem perdidisti. Quæ certè orbitate nihil unquam funestius in his vitæ mortalis casibus tibi accidere potuit. Quis enim nescit, quàm impensè te amaverit, quo singulari affectu tibi addictus fuerit, quàm nulla sinceri amoris documenta prætermiserit; vel si alia hujusce rei deessent signa, ultimæ satis loquuntur tabulæ, quibûs vivacissimos suæ erga Te bene affectæ voluntatis sensus effudit, præfagiens nimirum Te non modò sui sanguinis atque nominis, verùm etiam virtutis, pietatis, demissi animi ac præclaræ moderationis cum solida eruditione consociatæ ex asse heredem futurum. Quamquam quid longiùs in luctuosissima tam acerbi calûs non recordatione minùs, quàm inani lamentatione detinemur? Si **MARCISZOVIVS** hanc lucis usuram reddidit, non miremur; commodatus enim à Cælo terris fuit, non donatus. Quia tamen Summorum hominum nec brevis vita  
dicen



dicenda est, nec immaturus interitus, si tam diu vixerint, donec virtutis & sapientiæ amplissimos fructus protulerint, concludamus necesse; piissimum ac humanissimum *MARCISZOVIVM* satis diu vitam protraxisse, cum bene vivens satis DEO, satis Litteris vixerit.



Permissu Magnifici & Amplissimi Domini  
**R E C T O R I S.**









Biblioteka Jagiellońska



stdr0008778



